

湖南苗防屯政考

7邊4
1392
17



明 7 4
1332
卷 17



湖南苗防屯政考卷十五

二品銜前署湖南辰永沅靖道但湘良纂

助績

詳請給咨引 見嘉慶十一年

辰沅傅 簡

為申請給咨送部引

見事竊照

職道

現年四十九歲係浙江山陰縣人由吏員考授正八品

捐納府經歷乾隆五十二年分發雲南咨補廣南府經歷奏升甯

洱縣知縣六十年調赴苗疆軍營差委十一月奉

上諭傅簡不避險阻辦事得力著加恩以直隸州同知升用並賞戴花

翎欽此是月奉委解首逆吳半生進京十二月聞訃丁母艱奉

旨畱辦善後事宜嘉慶元年四月奏補福建汀州府同知八月奏調湖南鳳凰直隸廳同知十二月初三日到任二年九月全獲苗匪案內部議給與軍功紀錄三次三年三月服闋五年正月蒙陞任撫憲姜 奏保堪勝知府又擒獲首惡吳陳受案內奉

上諭賞給知府銜遇有缺出卽行補用如無花翎卽行賞戴仍交部議敘並賞花翎一隻又奉

旨除照部議軍功一級外著加恩再給予軍功紀錄二次欽此二月兼護辰沅道印務閏四月卸事八月勦辦曬金塘匪苗案內部議給予軍功加一級紀錄一次十月會奏三廳出力人員案內奉

上諭著加恩照知府食俸俟有苗疆道員缺出再予升補欽此六年正

月

前閣督憲書
升任撫憲祖

會籌苗疆邊備摺內責成幫同本道往來督辦

三月黔苗滋事奉

調任撫憲馬

奏派帶勇赴邊界防堵旋奉

前雲貴制憲琅

奏調帶練勇一千五百名幫勦石峴巖屯溝

寨並勦楚南邊之附和雞籠等寨五月事竣回署十一月

調

任督憲吳

撫憲馬

會 奏永綏移駐廳協各路建築礮卡均田練勇責成

督率辦理十二月奉

上諭著加恩賞給道銜卽令其總理邊務遇有苗疆道員缺出准予陞補欽此七年七月二十六日丁父艱卸鳳凰廳事八月初十日 前撫憲高 奏畱經理邊務是月二十三日奉

上諭著准其畱署鳳凰直隸廳同知不必開缺欽此九月二十二日接

印署理八年二月擒捕永綏九里癩苗龍六生等案內十月奉

上諭著加恩交部議敘欽此部議給予軍功加一級紀錄二次十年二

月勦辦永綏八九十等里匪苗擒獲首逆石宗四等案內奉 陞

任撫憲阿 奏奉

上諭傅鼐熟悉苗情調度得宜故能迅速俘渠殊可嘉尚著交部從優

議敘欽此又奉

上諭湖南湖北二省中嗣後遇有道員缺出將鄭人慶奏明調補所遺

長沅道缺即可將傅鼐陞補欽此四月十七日奉 陞任撫憲阿

奏委署辰永沅靖道五月初八日接印任事閏六月初六日奉文

行知五月二十日奉

上諭湖南辰永沅靖道員著傅鼐補授欽此卽於是日具報到任七月

初五日奉文行知 部議照一等軍功從優議敘給予軍功加三

級五月二十日奉

旨依議欽此又於十二年八月二十六日奉

憲臺 會同 撫憲景 督憲汪

具奏均屯未盡事宜摺內聲明章程甫定尙須該道經理數月以

歸周妥容俟辦理就緒卽行給咨赴部等因今該道辦理均屯未

盡事宜俱已就緒並無經手未完事件應請委員接署道篆以便

交卸領咨赴部除備文移請藩司轉詳給咨外理合開具三代存

歿名氏及出具並無虧空清冊具文齎請 憲臺俯賜察核給咨

送部引

見奉

旨傳簡著回任欽此欽遵等因咨院行司奉此相應備文咨爲此合咨
貴道請煩查照施行

三月二十八日奉 吏部咨開文殿直學士張鳳翔奏呈嘉慶十三年二月十二日奉 旨開張鳳翔等
爲知照事本年四月初二日奉 撫部院景 札開嘉慶十三年三月二十八日准 吏部咨開內閣鈔出嘉慶十三年二月十二日奉
日奉

咨辰沅道傅加按察使銜

嘉慶十三年

湖南布政使司

煥

爲知照事本年四月初二日奉

撫部院景

札開嘉慶十三年

三月二十八日准

吏部咨開內閣鈔出嘉慶十三年二月十二日奉

日奉

上諭國家設官分職首重得人其人果能殫心厥職視國事如己事興利除害則庶政修舉而民生胥被其益朕孜孜圖治無日不以人才爲念有能實心宣力者無論內外滿漢大小臣工必逾格旌擢以風有位如辰沅靖道傅簡由佐貳出身洊陞道員歷任苗疆十有餘年勦除頑梗安撫善良前後修建碉卡哨臺一千餘座均屯田土十二萬餘畝收卹難民十萬餘戶挑習練勇八千名收繳苗寨器械四

萬餘件又復多方化導將苗民妄信巫師椎牛聚眾惡習禁止復設立書院六處義學一百處近日苗民已知向學籲求分額考試所有鳳凰乾州一帶邊界苗眾實已革面洗心輯甯安堵凡該省歷任大員及在廷諸臣多稱係傅鼐一人任勞任怨不顧身家盡心籌畫克臻完善朕久有所聞特因未識其人尙未特沛恩施本日召見傅鼐見其人安詳諳練明白誠實洵屬傑出之才堪爲苗疆保障若各省各吏皆能如此實心任事何患地方政治不日有起色傅鼐著加恩賞給按察使銜卽令先換頂戴以示獎勵欽此欽遵等因咨院行司奉此相應備文咨會爲此合咨
貴道請煩查照施行

咨辰沅道傅回籍補穿孝服百日期滿報明起程赴任

嘉慶

十三年

湖南布政使司朱紹曾

爲報明補穿百日孝服期滿等事本年七月初八日奉 撫部院景 札開嘉慶十三年七月初七日准 浙江撫部院阮 咨開據浙江布政司詳稱據紹興府山陰縣徐元梅申據該家人左元呈稱竊家主現任湖南辰永沅靖道加按察使銜傅鼐係本縣人由雲南甯洱縣知縣於乾隆六十年調赴湖南軍營是年十月奉旨以直隸州同知陞用十二月丁母憂奏畱軍營嘉慶元年八月奏補鳳凰廳同知五年奉

旨賞給知府銜遇缺卽補六年奉

湖南布政使司

卷十五

勳績

六

旨賞給道銜總理邊務七年七月丁父憂奏畱奉

旨不必開缺十年五月奉

旨補授辰永沅靖道欽奉

諭旨飭令給咨赴部引

見因邊防事務未竣奏明尚緩給咨於上年十二月請咨本年二月赴部引

見蒙

恩加賞按察使銜家主因兩次丁憂俱以軍營邊備事務緊要奏畱未得回籍守制曾於

召見時面將請假回籍補行穿孝百日緣由奏蒙

聖鑒仍遵例具呈經 吏部具奏奉

旨依議欽此在案旋蒙發給執照於二月二十三日自京起程三月二十日到籍當卽補穿孝服業經具呈轉報在案今自到籍穿孝之日起連閏扣至六月初一日止百日日期滿例應聲明請咨赴任茲於六月初五日自籍起程理合呈明伏乞轉報等情到縣申報到司據此理合詳候分咨等情到院據此咨明查照等因到本部院准此同日據該道呈繳批迴執照前來除批迴存案外所有執照合併札發爲此仰司官吏卽便轉移知照仍將發來執照敘詳請咨等因到司奉此相應備文咨會爲此合咨貴道請煩查照施行

湖南通志卷之五
嘉慶十四年
奏為委署臬司道府篆務循例奏
旨補授湖南按察使摺
嘉慶十四年
湖南 景安
巡撫

奏為委署臬司道府篆務循例奏

旨補授湖南按察使摺

嘉慶十四年

湖南 景安
巡撫

奏為委署臬司道府篆務循例奏

聞事竊奴才接准吏部咨欽奉

上諭湖北按察使員缺著會煥調補湖南按察使員缺著傅爾補授等

因欽此查會煥奉

旨調補湖北臬司應即前赴調任惟新授湖南臬司傅爾駐劄鎮筸距

省較遠且有經手均屯事宜款項必須接任之員到後交代明白

方能來省到任略須時日所有臬司篆務自應先行委員署理以

便會煥交卸起程查有鹽法長寶道圖 屢經委署臬篆辦理安

湖南通志卷之五

勛績

八

協堪以暫委就近兼署其辰沅道遺缺查有永順府知府福順現任苗疆人亦勤慎且附近鎮守堪以護理俾傅爾得以迅速來省至辰沅道係苗疆至要之缺必須有守有為之員方能經理妥協容奴才詳加遴選札商督臣另行奏補所遺永順府知府員缺查有靖州直隸州景額誠實安詳堪以委令暫署除分飭遵照外理合會同湖廣總督臣汪志伊循例具奏伏乞

皇上睿鑒謹

奏嘉慶十四年三月二十七日奉

硃批知道了欽此

辰沅道傅爾陞任按察使苗懇畱

恩旨

嘉慶十四年

軍機大臣字寄

湖南巡撫景

嘉慶十四年四月十九日奉

上諭景安奏傅爾陞任臬司苗民弁丁等聞信欲行懇畱一摺朕因傅爾在苗疆認真出力是以特予簡擢用示優獎今苗民以傅爾去任依依不捨習久相安固屬人情所有但既已奉旨該苗民自不得越例攀畱况傅爾未離本省距苗疆不甚相遠仍可就近經理傅爾上年甫經展覲此時不必來京著於三年後再奏請陞見每年於秋審事竣或秋成之時前赴苗疆查閱一次既可慰苗民愛戴之情亦可藉資彈壓如果接任之員經理得宜傅爾於二三年後即可停止前往辰沅道遺缺關係緊要其接手之員必得精明強幹撫馭有方者

始克勝任著景安商同傅爾遴選調補其屯防等事著傅爾將辦過章程及現在情形詳悉告知後任俾得有所遵守自可不致遺誤苗民益臻甯帖將此諭令知之欽此

湖南按察使傅爾病故摺
嘉慶十六年
湖南巡撫景安

奏報原任湖南按察使傅爾病故摺

嘉慶十六年

湖南巡撫 景安

奏為臬司病故恭摺奏祈

聖鑒事竊照湖南臬司傅爾於本年五月內自京回任感蒙皇上天恩

訓誨殷諄竭圖報効嗣因藩司朱紹曾奏准

陛見於奏銷事竣後擬即起程進京所有藩司印務當經奴才會摺奏

明即委傅爾接署其臬司印務仍令鹽法長寶道圖就近兼署

在案詎傅爾於接印後因沿途積受暑熱忽於脊背偏左突生瘡

癩數日以來火毒內攻醫治不效即於六月初九日身故伏查傅

湖南地方屯政考

卷十五

勳績

卅

有守有為經理苗疆屯務諸事妥協均邀

聖明洞鑒今一旦溘逝實不勝痛惜惟是傅鼐現年五十三歲尚無子嗣僅有伊胞弟傅廷槐一人在署現將其子傅端弼承繼傅鼐為子年止四歲而傅鼐身後一無所有奴才現與藩司朱紹曾等妥為料理其藩司印信已經奴才飭令朱紹曾暫緩起程接回辦理臬司印務仍令圖兼署所有湖南臬司病故日期理合恭摺照例由驛四百里具奏

殊批可惜之至欽此又於六月初九日身故句旁奉
殊批實屬可惜即有恩旨欽此

覆奏原任按察使傅鼐病故奉到恩旨查辦摺

嘉慶十六年
湖南巡撫景安

奏為遵

旨查辦恭摺覆奏事竊奴才於七月初一日欽奉

上諭據景安奏傅鼐自京回任沿途積受暑熱遽爾病故聞之深為憫惜傅鼐著加恩賞加巡撫銜即照巡撫例賜卹其任內降罰處分悉予開復伊並無親子其繼子傅端弼年尚幼穉所有傅鼐靈柩著景安派員妥為照料護送回籍到籍後並著蔣攸銛一體照料派委大員致祭一壇等因欽此又承准軍機大臣字寄奉

上諭臬司傅鼐因病身故該苗民等畏威懷德自必同深哀悼倘有願

至其靈前祭奠者不必禁止但苗民眾多如紛紛前赴省城既有跋涉之勞且非體制所宜著景安妥爲籌酌或於傅爾靈柩回籍之時迂途就苗眾附近處所擇地暫停令該處苗眾得遂其愛戴之私若苗眾等或有請爲傅爾建祠者卽許其建設並著景安書匾懸掛如無建立祠宇之請亦不可示意總以聽其自然爲是至邊疆要地從前傅爾鎮撫有法久臻甯謐著景安傳諭現任道員姚興潔惟當以傅爾爲法務須遵照辦理此爲至要如該道亦能如傅爾之經理妥善苗疆安靜將來朕必亦有加恩之處等因欽此遵

旨寄信前來

奴才當卽恭錄

諭旨派員前往傅爾柩前敬謹宣讀該家屬人等咸以蒙

恩深重無可圖報感泣不已而在屬僚羣仰

聖主軫念蓋臣

恩加無已無不同深感奮

奴才

一面札行署辰沅道姚興潔欽遵辦理

一面率同在省司道將傅爾後事妥爲照料並同量力資助俾得回籍惟是傅爾任所原籍一貧如洗署中僅有伊胞弟捐納布政司經歷銜告病安徽無爲州土橋巡檢傅廷槐一人現在經理喪事尚皆妥備

奴才復囑其回籍後務將伊繼與傅爾爲子之傅端彌善爲撫養管教冀得成立並將傅爾所遺眷口盡心顧養勿致失所以慰傅爾泉下之心傅廷槐亦毅然自任並查有傅爾親壻徐日海向與傅爾在苗疆隨同打仗並籌辦均田屯勇一切事宜

依倚多年嗣由捐納縣丞分發江西試用現因奉委催提咨追銀兩來楚尚未催齊適傅爾回任患病在署服侍傅爾病革時曾囑料理身後之事並有欲其幫同扶柩回籍之言奴才復與司道酌商應卽飭令該員協同護送回籍並可料理家中之事以期妥協並據司詳查有桑植縣知縣王勳現因解餉差旋尚未回任堪以委令護送查該員係傅爾同鄉必能妥爲照料應卽飭委前往至傅爾柩屬由水路回浙取道東北苗疆遠在西南相距千有餘里勢難迂途前往現據姚興潔稟稱該處苗眾聞傅爾身故紛紛來城懇求赴省叩奠該道以苗眾遠出非宜隨再三撫諭令其各於公所設位祭奠苗眾遂各相率痛哭叩奠殆無虛日其苗守備弁

目中曾有先經因公來省者同各廳縣書院童生以及苗舉人龍興國等因愛戴情殷必欲赴省祭奠未便盡拂其意現在選擇數十人酌分三班派員帶同來省以遂其私仍酌量捐給往返盤費用示體卹又據稟眾苗深感傅爾撫綏養教於前歲陞補臬司去任之後卽議建立生祠正在修造經傅爾查知以事屬違例嚴行禁止今聞其身故復又稟請情詞出於真誠自應准其建設奴才卽遵

旨書

給畏懷勿替四字匾額飭令懸掛用垂久遠並據該道稟稱傅爾辦理苗務竭盡心力事事悉臻妥善該道十餘年中隨同勦辦一切得其底蘊今章程久定惟當恪守成規勉圖報効以期遠靖邊

三

疆並稱眾苗於傅鼐身故之後恭聞
特降恩旨加銜賜卹備極優隆莫不感激涕零情形均極甯帖等情該
道擬於即日帶同苗備弁等來省奴才仍當面傳

聖諭總以傅鼐為法俾得妥善並於接見苗備弁時亦令遵守傅鼐舊
章管束眾苗永臻甯謐仰副

聖主垂念邊圉至意本年九月十七日奉到

硃批覽又於一貧如洗句旁

硃批可憐又相率痛哭句旁

硃批可嘉又酌分三班句旁

硃批是欽此

部覆原任湖南按察使傅鼐准入祀名宦祠

禮部謹

奏為請

旨事禮科鈔出湖南巡撫廣厚疏稱

欽加巡撫銜已故原任湖南按察使司傅鼐矢念忠貞持躬廉介身先

士卒除蠻崗之游氛澤反倪旄作邊疆之保障茲據布政使朱紹

曾按察使慶臣轉據乾州永綏鳳凰三廳造具事實冊結詳請入

祀名宦祠臣覆核無異謹會同湖廣總督臣馬慧裕湖南學臣湯

金釗合詞具題請

旨奉

旨該部議奏欽此欽遵到部臣等查嘉慶十六年六月奉

上諭傅鼐前在湖南軍營甚為出力嗣經辦理苗疆屯防諸務勦撫並用教養兼施現在苗民安堵無不畏威懷德朕眷念方隆正擬逾格恩施由臬司簡任湖南巡撫用資倚畀茲據景安馳奏傅鼐自京回任沿途積受暑熱遽爾病故聞之深為憫惜著加恩賞加巡撫銜卽照巡撫例賜卹其任內降罰處分悉予開復等因欽此欽遵在案今據湖南巡撫廣厚等題請將傅鼐入祀名宦祠查定例崇祀名宦由該督撫會同學政造具事實冊結送部覆核如果名實相副照例彙題其有大臣身後題請入祠者臣部專奏請

旨所有

湖南通志卷十五

欽加巡撫銜已故原任湖南按察使傅鼐可否准其入祀名宦祠之處

應照大臣從祀之例專摺具奏恭候

欽定為此謹

奏請

旨

及者匪苗屢出焚掠滋事傅道簡練鄉勇計自嘉慶二年九月起嘉慶十一年二月止親練銳勇激勵勸懲與同甘苦不憚辛勞不辭寒暑在三廳及貴州巖屯溝等處前後打仗三十五次鎗斃生擒羣苗振懾民情始安又都吾務頭二約全被苗佔又永綏石宗四糾合羣醜窺伺廳屬均經傅道剿除

一傅道推心置腹以待丁勇疾病必延醫給藥不時臨視間有病故及陣亡者拊屍痛哭厚爲棺殮擇地安塋四時祭奠恤其後人以故隨帶丁勇盡感其誠願効死力

一傅道以苗疆雖經戡定而控制宜嚴防維宜密所有各處碉樓哨臺汛堡並築建長牆開挖濠溝相地興修極爲完固

一傅道於鳳乾永古四廳保靖一縣旣設碉卡哨臺共需兵丁防守遂詳設備戰練勇一千名屯丁七千名又詳設屯備弁五十餘員管束訓練於均出田畝按丁給田並建瓦屋給予鎗矛及牛隻農具以資耕守

一從前苗疆各廳縣設立百戶辦理苗務後因百戶滋弊不足以服苗心而資約束詳請設立苗守備千把總外委等四百八十六名俱給工食銀兩責令管束散苗自土塘裁後挑畱苗兵五千名卽於五廳縣屬苗寨繳出佔田山土並呈出叛產詳請 奏明分給窮苗佃種秋收納租以給苗兵以苗制苗以苗養苗立法最爲周妥

一苗人底定以後傳道見其出入仍帶鎗刀恐日後終為邊患捐貲設法收繳淨盡

一五廳縣額設練勇八千名俱係歷年打仗及急公均田之人有老病身故子弟幼小不能挑補丁糧者傳道恩憐生計維艱提撥田畝設立老幼丁缺二千名如有老病及子弟幼小者給與養贍以示體卹

一屯防丁勇遇有紅白事故傳道經畫無遺給予賞卹銀兩以濟其急

一苗疆僻在邊隅向各設有義館數處傳道復於鳳凰乾州永綏浦市麻陽瀘溪六廳縣各添設書院一所慎選師儒以資造就其

丁勇子弟無力從師者及苗人現已歸誠子弟亦令人學俾知禮義遂設立屯苗義學百數十處並於朔望宣講

聖諭廣訓化導民苗

一南人信巫畏鬼苗俗尤甚傳道多方化導並詳請 奏明禁止

惡俗不敢復有妄信鬼神椎牛祭賽之事

一苗疆文風夙陋應試者少故絕無獲雋之人傳道詳請 奏准

鳳乾永保四廳縣應試士子另編邊字號人數三十名以上准於

省額內取中舉人一名苗生另編田字號人數十五名以上准於

省額外取中舉人一名如不足數仍攤入省額取中生童無不奮

勉

一苗生童每當應試多因艱窘自阻傳道酌給路費俾得踴躍觀光

一苗疆應祀祠宇苗變後多就傾圮傳道捐貲逐一興復又詳請奏封楊氏三侯廟貌崇閣苗情敬畏

一傳道修建養濟院育嬰堂等處無不詳給田畝以資經費

一傳道勤於民事雖當軍興旁午於民間詞訟事隨到隨理不懸示審期總不羈畱拖累

一傳道持躬則淡泊自安臨事則寬猛相濟樹德務滋除惡務盡洵不誣也

以上傳道安輯民苗及親操善政各事實並無虛飾理合登明

治苗論

傅 鼐

紅苗最爲獷悍犬羊之性叛服無常當無事而謀久安惟有以移其習俗奠其身家格其心思苗乃可得而治苗俗男女皆蓄髮而性好鬪矛戟火鎗諸凶器出入必攜之俱其俗則桀悍之風終不可制今則三廳中悉繳鎗械不許更造而髮則不論生熟苗人皆令薙之俗又信鬼多淫祀每歲寨中宰牛延巫貧則劫奪易起今則作鬼跳鼓藏諸習嚴行禁止計苗寨中歲可省牛數萬頭並省費數十萬金而每歲秋糧又撥田爲之完納則耕種祇以自給而耗費者少矣至於客民盤剝差役嚇索歷來擾苗之大者今則於苗民交界處設集場限期交易官弁監之負販小民入苗巢者則

有刑遇爭訟書差俱禁入寨令苗弁送兩造入城朝訟夕結不使牽累至偷盜細端責苗弁查察機密事故責邊員確訪凡干法者置重典夫如是則苗之身家無擾苗之氣習亦漸馴矣然不申之以教其心猶未格也故添修苗館若干處延師教讀所讀者四子書而外如孝經小學諸書悉令講誦之使知孝親敬長之道進退揖讓之禮而其中苗生尤俊秀者取入書院肄業給以膏火閱課八股詩律榜示甲乙使知奮勉久之則今日書院之苗生即可爲異日各寨之苗師以苗訓苗教易入而感動尤神則禮義興而匪僻消苗與漢人無異司此土者苟永守成憲毋擾毋弛則邊地生民安居樂業世世子孫永享太平矣

修邊論

傅 鼐

苗疆自乾隆六十年用兵以後將提督分駐辰州花園添設綏靖鎮保靖改爲參將營乾州移駐辰州協軍制整齊聲勢稱雄而苗路如梳出沒無常民間風鶴時警非於沿邊民邨籌設屯堡添建卡碉則不時擾竊民不能耕穫非計之萬全也自三廳出乾州交界之木林坪至中營所轄之四路口築圍牆數百里其界畫嚴矣而又度險扼衝籌設屯堡聯以碉卡計鳳凰廳境內設堡卡碉臺八百八十七座永綏廳境內汛堡卡碉百二十一座古丈坪連保靖縣境內汛堡碉樓六十九座各處相其地形暮布星羅遇有聲息數百里柝聲相聞咸知警備其修設之地關牆則沿山厯澗

建之礮臺則擇地勢衝要處立之哨臺則於關牆之間修之卡礮
屯堡則因地制宜其形或爲品字或爲一字或爲梅花無成格也
其修設之處關牆則近石處用石遠石處用土礮臺則四面用石
中心築土哨臺則用石砌四面各畱鎗眼與礮臺同其修設之用
關牆則以嚴疆界礮臺則以爲堵截攻戰之所哨臺則以爲巡邏
瞭望之所屯堡則以爲邊民聚衛之所卡礮則用以守亦以戰邊
苗之來截苗之歸均在此也至於防守之人則選本地之勇屯耕
本地之田捍衛本地之民計鳳凰廳勇丁四千名永乾古保四廳
縣勇丁三千名分布礮卡有警則荷戈無事則秉耒不出梓里而
聯絡密防護周矣然此猶防於外也善後以來又添設各寨苗弁
土塘苗兵互相稽察是以苗治苗之道而養之以叛田佔田則以
苗制苗者又以苗養苗行之有常實爲久安長治之策

練勇論

傅 鼐

唐韓愈有言徵兵盈萬不如招募三千言鄉勇宜練也前明戚繼光有言美觀則不如實用實用則自美觀言訓練宜精也其在苗疆尤有不容疏者苗人健捷如飛非練勇不足以制之宋史稱辰州刺史秦再雄練土兵三千皆能披甲渡水歷山飛壘自是一方又安無復邊患練勇之效彰彰矣今三廳自乙卯用兵以來於沿邊營汛之外屯練七千名其練之技曰跳刀曰綁鉛曰跳高曰爬坡練登躡也曰鳥鎗曰礮曰長矛練遠攻也曰拳棍曰藤牌曰雙刀曰單刀曰刷刀曰鐵尺練近殺也其練之丁則有鎗刀手矛手礮手之分而屯弁跟役亦一體操演至百總總旗與屯標各弁於

督操之餘亦令習本身技藝有惰廢者必懲之其練之時練勇與屯丁則有異練勇每年七月開操至次年四月止統計操練九十九次辰沅道則每季大操一次屯丁每年十月開操至次年正月止統計操演三十六次農隙仍不時演習辰沅道則於正月內大操一次至於寒暑泥溼使耐勞苦於山習步法於教場兼習陳法此又法之不容疏者抑思古者簡閱必明貴賤辨等列順少長因令屯弁率勇丁於暇日聽講孝經武經每月朔望聽講

聖諭蓋又有以練其心也戚繼光又有云練兵之要先在練將凡屯弁務令推恩義一號令約束嚴明與同甘苦則丁勇用命臨事皆有實效惟欽遵

賜定訓練章程於屯弁勤能者拔補供職者畱任廢弛者革退則屯弁皆知奮勉勇丁皆可精悍苗人聞風懾服庶永慶安堵矣

屯田論

屯田論

傅 蘄

古無所謂屯田也自井田廢在外有長戍之兵在國增養兵之費思為卽兵務農之策而屯田始焉其效在漢惟趙充國為最著其條上十二策皆歷有裨於屯政者元初用兵遇堅城大敵則必屯田以守之及海內既定內而各衛外而行省皆立屯田以資軍餉前明有衛則有屯立法最良故養兵百萬不費民間一粒明太祖所以歎養兵而不病農者惟屯田也厥後守邊將吏變亂屯田壞矣我

朝聖武布昭西域底定於伊犁等處興修屯政護邊實塞洵萬世至計茲楚省三廳紅苗既平我

皇上准設屯政使守礪勇丁且耕且守自此苗疆有長戍之勇而勇之缺不使外招

國家無轉運之糧而糧之充皆自田出而且器具牛種皆給於官勇丁佃耕

聖天子軫念邊民之至意可以極於無窮也或曰屯利於邊而不利於腹利於兵而不利於民抑思唐宋以來邊地與腹地並置營兵與農民雜處惟在當事者善為措置則其有利無害不較然哉

覆總督百齡書

傅 爾

竊惟我

國家文德武功超邁千古戎行師律彪炳寰區各省額設官兵陸路則視平原山徑酌士卒馬步之宜水師則分外海內河定船後駕駛之制技藝則鎗箭刀矛立有程式步伐則坐作進止頒有陣圖合隊散操之日按旬俱有定期賞功伐罪之條臨場必使熟讀凡激勵之方練習之道真無法不備無微不至矣爾前在鳳凰廳同知任內值苗疆甫經戡定氛氣尙未全消廳屬沿邊二百數十里鎮標營汛及外營畱防官兵防範不敷設有鄉勇相間守禦因該勇丁等雖皆壯健有餘究不能如營兵之嫻技藝而知紀律必須

海國圖志卷之十五
加以訓練方可以資防維又因苗地跬步皆山溝道叢雜苗人猿形獸跡上下疾如鼠飛蛇行出沒無定苗鎗較營鎗長至尺餘最能擊遠又無排筒葫蘆腰刀等物僅有藥角跨包收藏火繩子藥緊繫脅下極爲輕便臨敵亦無行列皆係三五零星附木依崖莫可蹤跡或在山巔或在溝內上下指擊莫能有準兵勇不可防備每被戕傷爾因地制宜亦備造苗鎗及藥角跨包等件先令各勇丁囊砂習走拔幟先登使之步穩身輕升降便捷又立上中下三靶令各勇丁每日演放九鎗以習俯擊仰攻之法臨敵亦不復方陣而進使趨健膽勇者四散分布升陵伏莽伺便而前聲東擊西乘虛而入並以苗人亦有刀矛每俟勇丁火鎗方發子藥未裝之

時豕突直前奮刀砍刺爾復令勇丁於演鎗之暇照營中藤牌破打規制並習單刀長矛並學跳躍閃避每丁各帶夾靶短刀一口令刀矛夾護烏鎗前進狹路相逢短兵接戰苗人但恃其橫蠻勇丁則各有身法每每得利擒馘最多平時又將奉頒行軍紀律編成淺近歌句逐一講解令其熟記凡遇堵禦邊境或勦辦寨落爾必申明律令親身督戰其畏縮者立加嚴懲奮勇者卽與獎賞每次撤兵必加淘汰不惟臨陣趨起及貪擄掠者概行黜退卽一往無前但知務進不聽號令不識機宜者亦概裁去將勇往靈警之人挑爲練勇加給鹽糧其中有尤爲傑出者拔充行營隊目令其帶隊以示鼓勵數年之中於數千鄉勇屯丁內嚴爲選擇始得精

銳千人此項勇丁不復別有差使每十名共給長夫一名爲之樵汲俾得專心肄習精益求精該勇丁等大率皆本地及附近鄉民既明地利又習苗情且多係六十年被害之家無不恨切肌膚每戰倍加用命苗人屢遭挫衄竟至望影而逃是以所向輒能效績是備之訓練勇丁仍不過照依營制實力奉行而已

傅備傳

魏源

嘉慶初湖北四川教匪方棘諸將移征苗之師而北草草奏戡定月給降苗鹽糧銀羈縻之而苗氛愈惡藉口前宣勇伯和琳苗地歸苗之約遂蔓延三廳地巡撫姜晟至倡以苗爲民之議議盡應其求時鳳凰廳治鎮筸苗衝同知傅備有文武材知苗愈撫且愈驕而兵罷難再動且方民弱苗強也乃日招流亡附郭棲之圍其丁壯而礮其要害十餘礮則堡之年餘犄角漸密苗妨出沒遂死力攻阻備以鄉勇東西援救且戰且修修之法近其防閑遙其聲勢邊牆以限疆界哨臺以守望礮臺以堵敵堡以聚家室礮卡以守以戰以遏出以截歸邊牆亘山澗哨臺中邊牆礮臺橫其

海國圖志卷之十五
衝碉堡相其宜凡修此數者近石以石遠石以土外石內土留孔以鎗掘濠以防又日申戒其民曰勉爲之不可失也是有三利矢不入火不焚盜不踰有三便族聚故心固扼要故數敷犄角故勢強民競以勸百堵皆作而三年苗大出焚掠下五崗大吏將中蘄開邊釁罪又兵備道田灑者阿大吏意吝出納以旁掣之事且敗會四年鎮筮黑苗吳陳受眾數千犯邊於是有苗疆何嘗底定之

詔責巡撫姜晟嚴獲首賊蘄爲擒之始奏加知府銜俸是年碉堡成明年邊牆百餘里亦竣苗并不能乘晦霧潛出沒每哨臺舉銃角則知有警婦女牲畜立歸堡環數十里戒嚴於是守固矣可以戰時鎮筮左右營黑苗最患邊道謀曬金塘驍苗悉出掠瀘溪卽夜三

路擣燬其巢復回軍伏苟瑟巖大殲之苗氣始奪六年而貴州變起蓋湖南環苗東南北三面七百餘里其西南二百餘里之貴州邊尙未修備故石峴苗復思狡逞煽十四寨並附近湖南苗以叛蘄以殫精募五百馳赴銅仁而貴州巡撫伊桑阿至叱其越境要功蘄還楚界伊桑阿遂以招撫戡定奏回貴陽時首逆鎗械皆未繳各寨方沸然邊民赴愬雲貴總督琅玕琅玕至急檄蘄會剿三日盡破諸寨其破崖屯溝也前兩路賊皆壘石守蘄使貴州兵攻其前而自領鄉勇夜探山後徑猿引上黎明始達破天降火寨起貴州兵望之亦奮呼奪隘遂連破五巢其破上下潮也萬山一峽苗以死守乃夜分貴州兵左右裹山圍之而親督鄉勇黎明攻峽

至哺礮破之追逼其寨驍苗方迎死戰卽分兵火寨上潮潰而下潮亦望風潰又爲守隘貴州兵擒斬前後殲苗三千餘三日掃穴平琅玕奏楚兵功最并仿湖南法建碉堡守之而伊桑阿冒功誤邊罪爲新巡撫初彭齡所劾伏法爾遂奉

旨總

理邊務爾以永綏孤懸苗巢形如釜底自元年盡撤營汛後城以外卽苗地有三難二可慮議遷城花園而貴州方藉永綏聲援難其移爾請於貴州邊設螺螄堡移湖南守備戍之助彈壓於是總督琅玕亦奏移駐是七年九月廳旣移出羣苗爭佔舊城彌月鎗礮聞黔境爾以鄉勇數百深入彈壓忽遠近苗大集爾急據吉多寨苗數重環之銃如雨聚爾按兵不動徐以奇計穿圍去苗疑不

敢逼然自此遂議繳鎗械以絕其牙距其抗命者則復有永綏生苗鳳凰黑苗之勦矣初永綏以廳城孤懸掣肘從未深搗其巢及是果抗繳械阻丈田於是石宗四等糾數千苗復大猖獗而是時廳已移出且分駐形勢地又得貴州螺螄堡可駐兵遂立以鄉勇千餘苗兵二千往首敗之旂都河連燒六寨乘勝窮追宿陽孟岡五鼓萬苗突出四面譟攻時我兵火藥少後路已絕勢岌岌會雨霰雜下苗繩稍皆溼鎗凍比曉我兵刀槊並前人自爲戰塵至山後斬墮溺死二千餘生擒石宗四明年正月移兵螺螄堡連勦破口漏魚補抽等寨皆焚巢破卵是役也賊起事卽戕良苗故爾得以驅策苗兵深入轉戰月餘破寨十六獲鎗礮刀矛三千有奇餘

寨乞命降永綏苗一舉平由是師行所至萬山讐服納兵恐後羅拜犒迎貴州吏未能行令於黔苗乞儻并檄黔寨勒繳鎗械震疊罔抗邊境銷兵時嘉慶十一年也初乾隆乙卯嘉勇貝子征苗時川湖貴廣重兵環境有進康熙五路平苗策者不用故苗得併力拒大軍儻則偵諜闐然聲東擊西其來倏然其去忽然苗各自守則黨日離不測則情益紕從來備西北邊莫善於李牧一大創之法禦流寇莫如堅壁清野法而懲苗則莫如沈希儀鵬勦法儻專用之大小百戰殲苗萬計追出良民五千口良苗千餘口而所用不過鄉兵數千則又其訓練有過人者大都苗兵有三長奧壑重巘足爪目悸獸跡猱騰如驀平地此一長也地不可容大眾其

進無部伍行列退則鳥獸竄岡迴箐窳賊忽中發內暗外明猝不及防此二長也銃銳以長隨山起伏命中莫當惟腰繩藥無重衣裝耐飢渴耐暑寒此三長也儻因苗地用苗技先囊沙輕走以習步仿造苗鎗立上中下三的以習俯擊仰攻臨敵亦不方陣進呼聚嘯散無異以苗攻苗又苗兼挾利刀乘火器甫發冒煙豕突因兼習藤牌刀法狹路相逢則短兵接戰復以趨捷勝每戰還必嚴汰不但趨趨者去貪掠者去卽徒勇而昧機宜昧號令者亦去數年始得精兵千號飛隊優養勤練而嚴節制之行山澗風雨而行列不亂遺貨貨載道無反顧者共甘苦若妻子哭陣亡若子弟報公憤如私仇而鄉兵旣明地利習苗情又多被禍同仇之家是以

致死如一年勦永綏苗事聞

詔各省督撫提鎮以備練鄉勇法練官兵宋史稱辰州土官秦再雄練土兵三千皆披甲渡水歷山飛堦遂一方無邊患故詳著之庶後籌邊君子有考焉至其屯田一事與修邊禦苗錯舉皆於十年歲事其始不無廣佔民田以權利害輕重及事定民爭復業屢以訟言於是議者人異詞今獨載甯上巡撫高杞書曰防邊之道兵民相輔兵衛民民實屯有村堡以資生聚必有碉卡以固防維邇者貴州巡撫初公奏商均田一事請陳利害而效其說湖南苗疆環以鳳凰永綏乾州古丈坪保靖五廳縣犬牙相錯其營汛相距或三四里或五六七八里故元年班師後苗雲擾波潰如故維時甯

竭心籌之無出碉堡爲上遂募丁壯子弟數千以與匪苗從事來痛擊去修邊前戈矛後邪許得險卽守寸步而前而後苗銳挫望絕薪燼焰熄隄塞水止然湖南乙卯二載用兵來已糜帑金七百餘萬

國家

經費有常而頑苗叛服無定募勇不得不散則碉堡不得不虛後患不得不虞則自圖不得不亟通力合作且耕且戰所以招亡拯患於始也均田屯丁自養自衛所以一勞永佚於終也相其距苗遠近碉堡疏密爲田畝多少鳳凰廳碉堡八百需丁四千輪守並畱千人備戰共需田三萬餘畝乾州廳碉堡九十餘守丁八百屯田三千餘畝保靖縣碉堡四十餘守丁三百屯田千五百餘畝古

湖南自設屯政考 卷十五
丈坪廳苗馴止設碉堡十餘守丁百屯田五百餘畝永綏廳新建
碉堡百餘畝勇丁二千亦屯田萬餘畝而後邊無餘隙各環苗境
以成圈圍之勢峻國防省國計也異族逼處非碉堡無以固碉堡
非勇丁無以守勇丁非田畝無以贍在邊民瀕近鋒鏑固願割世
業而保身家卽後路同資屏藩亦樂損有餘以補不足况所募土
丁非其子弟則其親族而距邊稍遠者則仍佃本戶輸租視古來
屯戍以客卒土民雜處者勢燕越矣與一旦散數千驍健無業子
弟流爲盜賊爲無賴何如收駕輕就熟之用而不費大帑一錢稽
之古效則如彼籌之今勢則如此惟執事裁之其堅持定議者大
指蓋如此也積久制益密田益闢則又有出前議外者於是墾沿

邊隙地二萬畝曰官墾田又贖苗質民田萬餘畝曰官贖田以補
助折耗以廩賞以葺繕以贖卹百務並舉而苗佔田三萬五千餘
畝亦以兵勒出別屯於苗兵五千其苗弁復自呈七千餘畝爲經
費以苗養苗卽以苗制苗於五年陳屯政三十四事十年陳經久
八事十二年復陳未盡七事大抵其經費田皆佃租變價者其屯
丁田則附碉躬耕者其訓練與農隙講武則屯守備掌之以轄於
兵備道者使兵農爲一以相衛使民苗爲二以相安故約官與兵
民曰毋擅入苗寨毋擅役苗夫約苗曰毋巫鬼椎牛羣飲以糜財
毋挾鎗矛尋睚眦以釀釁則永永不窮且變遂同學校同考試鳴
呼其亦善深長思矣雍正閒張尙書廣泗改黔粵苗歸流設九衛

軍屯法蓋以經略督撫之權行之故帖帖無異議爾區區守土吏未領縣官斗糧尺兵所事大府不掣肘卽已幸徒自奮於齟齬拮据中蓋獨爲其難卽其始欲不借屯以養丁繼不長屯以安烏合數千眾其可得乎後之君子設身以處之綜其始末揆其利害而知其用心苦矣十二年屯務竣入覲

詔曰國家治民以官任官以人辰沅永靖兵備道傳爾專司苗疆十有餘載鋤莠安良除弊興利修置碉堡千有餘所屯田十有二萬餘畝收卹流民十萬餘戶屯兵練勇八千人追繳苗寨兵器四萬餘件復勤懇化導設書院六義學百楚苗駸駸向學爾求考試遂已革面洗心朕久聞其任勞任怨不顧身家悉心籌畫臻斯完善特

因未識其人尙未特沛恩施今日召見果安詳諳練明白誠實洵傑出之才堪爲封疆保障若天下吏咸若是何患政治不日有起色其卽加按察使銜用風有位明年授湖南按察使司按察使以苗弁兵民籲畱命每秋一赴苗疆慰邊人思爾之在苗疆也日不暇給門一木甌訴者投滿其中夜歸倒出閤之黎明升堂剖決立盡兵民以事至直至榻前及爲按察使一如同知時下無壅情故事無不舉十五年兼權湖南布政使司布政使十六年復入覲天子方將擢爾巡撫而六月卒於官事聞

震悼

贈巡撫

賜祭葬

敕祀名宦祠並許苗疆專祠嗚呼捍大災禦大患有大功德於民者矣
簡年五十有四嗣子端弼幼故未有碑狀嗣兵備道者桐城姚興
潔招源纂屯防志鳳凰廳志志例當有傳乃傳

魏源曰方簡之基於大吏以掎齧也則鎮筸鎮總兵富志那實保
全之云又舉歲給降苗數萬金畀之故簡得以秦苗者蹙苗富志
那從征大小金川習知山礮設險之利簡實從受之卒以成功仁
人利溥哉嫠妾遺孤飢粥不給而議簡者至今閭閻焉吁北山勞
大夫所為太息也

附行狀

傅簡山陰人以府經歷分發雲南軍功擢甯洱知縣乾隆六十年
黔楚苗亂大帥福康安檄赴湖南軍營計擒首逆吳半生功以同
知直隸州知州用

賞戴花翎嘉慶元年補鳳凰廳同知四年食知府俸六年

命總理邊務十年就陞辰永沅靖道十四年陞湖南按察使又二年卒
於任簡權奇有才武歷苗疆十餘年躬親行陳出入矢石所設施
務為經久不撓眾議其初行之一廳及總邊務晉兵巡遂皆條議
舉行收一勞永逸之效始大營雖撤而苗匪濫歲賞錢糧猶戕官
劫運叛服不常簡於三廳永保有苗處相其險要建立礮卡哨臺

分撥練勇戍守計口屯田省帑項以鉅萬計外有官墾新墾官贖捐贖諸田以爲歲修廩給獎賞祭祀師儒養濟育嬰之費移永綏廳治於花園協營於茶洞設守備於黔邊螺螄壩星羅棋布控制盡善所訓練鄉勇號爲飛隊皆趨捷武健復撫之盡恩勝則優子賞賚或帶傷陳歿必親臨撫循哭奠厚爲殮卹用是人殊死戰自三年至十一年前後勦定曬金塘雞籠寨及永綏之八九里鳳凰之高都兩頭羊貴州之崖藤溝黃茅蓬等寨擒馘首逆奪還擄掠民婦子女勒繳鎗械戰具所向克捷苗旣帖服則設苗弁數百人用資彈壓義學百數十所教以禮讓復請以乾鳳永保四廳縣編邊字號於鄉試額內取中舉人一名苗生編田字號於額外取中

舉人一名苗益格心於其卒也哭聲震野呈請赴省祭奠立祠祀之巡撫景安榜其祠曰畏懷勿替爾經營邊務日不服給官同知時置木匾於門令愬者投牒其中夜出閱之稍假寐卽起發遣遷本道愈繁劇故遲至十三年夏始獲入覲

溫旨嘉獎稱爲傑出才及卒加巡撫銜

敕祀名宦祠

田而足食誰爲力贊其成築礮堡以防危公更爭申所議兵能相助出資餘而調同伍義以稱名將必須賢舉土著而任游戎格無嫌破一萬金多方撙節盡涸廉泉四千人今日飽騰永沾惠澤與夫三井鑿於北門使民汲而茅簷飲德以及一閣峙乎東郭蔚人文而蓮石徵祥蓋廿年往事云遙志乘中第書其略而萬口同聲勿諉父老輩能道其詳偉烈冠時原可覓將軍之銅柱遺思墮淚無由瞻丞相之祠堂用伸歷久之悃忱冀補從前之缺略祀崇名宦典有可循論合公詞籲如所請懇祈俯賜查核轉詳等情據此

卑職

查看得富公韜略夙嫻公忠矢志軍深挾纊著偉績於當年

飲徧簞醪畱遺愛於此日一萬金捐而勿吝辦公者不恤其私二
十載感而弗衰畏威者兼懷其德以故家封細柳人佩甘棠洵惟保障於邊城宜荷豆籩之

曠典

理合取具事實冊結加粘印結備文詳請查核加結轉詳等因據此該湖南鳳凰直隸廳同知黃應培查看得已故陞任貴州提督前湖南鎮筵總鎮富志那駿望夙昭鴻猷丕著溯登壇之始旌麾來自粵西叨借著之榮么魔蕩於鄂北迨還轅而蒐軍實卽畫策以靖苗氛雉堞雲連建礮固圍鴻溝雖劃移汛防邊屯田則公贊其成恩深食德鑿井而民安於汲感切思源集一萬金鶴俸之餘儲兵食而循環勿替增八百名虎賁之眾衛民居而周帑無遺旣公論之攸同孚於名實洵明禋之足式薦以馨香茲據儒學加結

詳送到廳卑職覆查無異可否入祀名宦以順輿情理合照造事實清冊加結申請查核轉詳

湖南首防屯正考卷十五
三
詳送到廳卑職覆查無異可否入祀名宦以順輿情理合照造事實清冊加結申請查核轉詳

附請祀名宦祠事實清冊

一本官富志那係正紅旗滿洲尚安圖佐領下人由健銳營前鋒先後出師葉爾羌雲南金川洊陞副前鋒參領山西參將廣西副將調補湖南永綏副將乾隆六十年攻勦苗匪奉

旨賞戴花翎 奏陞鎮筮鎮總兵旋 奏派赴湖北枝江縣勦捕教匪生擒首逆疊奉

恩旨

賞給法福哩巴圖魯名號嘉慶元年九月 奏令回任辦理善後事宜五年勦辦曬金塘黑苗奉

旨交部議敘六年十一月

陞見疊奉

召見

賜克什

賞假掃墓七年二月回任八年奉

旨補授貴州提督十五年正月內病故奉

旨照例

賜卹

一本官於嘉慶元年九月到任時苗氛尚未全消匪苗屢撲近城焚掠隨捐貲於涼風坳一帶山梁要隘處所築立卡隘五座派撥弁兵晝夜巡邏近城以安復以衛民之策首在建礮擬定礮式相

度地勢並將應建各名數目繪具圖冊稟明

欽差各大憲於近城及後路要隘先建礮樓以壯聲威時值前陞任鳳凰廳傅丞初涖廳事和衷共濟如式建築惟因苗匪尙有不時出掠殺匠搶料之事督飭將備會同傅丞分佈兵勇彈壓保護搶建礮卡哨臺關廂關門一百九十座苗匪不能擾及近城及後路糧運一帶於是傅丞以礮卡功效已著遂寸節堵築沿邊礮卡六百四十二座牆濠一百餘里得以收復民田招撫流亡至今邊境又安實公首請建礮之力也

一本官以鎮城舊無井泉苗變時居民出汲城外溪河多被賊害因於北城河沿鑿井三眼引水至城腳下外建築塚城圈井於內

民無病汲閭城德之

一本官以苗疆原畱防兵四千餘名與續募鄉勇三千餘名初戡定時苗匪時猶破汛攻礮搶劫殺人乃輒有議撤防兵者得公力爭並請撥添標勇始得緩至嘉慶四年次第撤防復 奏准於內地各營裁撥名糧八百分移撥本標募補捍衛巡防益臻嚴密一本官以鳳凰廳民苗界址向以邊牆為界牆外歸苗牆內歸民乙卯苗變民田悉被苗佔戡定後雖仍照舊分界而苗性貪悍時復出掠難民不能復業歸耕公請募勇添礮將牆內難民不敢往種之業給勇代耕分租奉 前督憲景 檄行查議閒適傅丞議請屯田練勇亦奉飭查公以非練勇不能防邊非屯田不能養勇

陳說利害各情始從廳議屯政告成邊備無患實公首請募勇繼辦屯田之力也

一本官於嘉慶五年內因曬金塘舊司坪黑苗吳老包等勾結滋擾並有另股匪苗潛竄瀘溪之都容祈田一帶公隨時督率官兵會同傅丞截拏痛剿先後悉殲 奏奉

諭旨交部議敘復因苗匪吳陳受倡首滋事擒獲正法得

旨隨時鵬勦辦理並以右營所管沿邊地方九十餘里該處苗性較悍

僅有遊擊守備各一員彈壓難周苗匪不時偷出公與

巡撫二提督

憲聯銜 奏准將原駐巖門及麻陽之左營遊擊守備各一員移駐沿邊曬金塘舊司坪分右營地作為左營復以新設必資熟手

破格請以廳人任其職諳悉苗情因地制宜苗始震懼不敢復出
窺伺仍於巖門後路改設守備一員麻陽改設千總一員通糧運
以衛民生苗疆自是安矣

一本官以兵丁月米例於每年正月初一日起至五月二十三日
止支食本色餘皆支領折色例價石米六錢不敷買食甚形拮据
公首先倡捐凡七年共捐養廉銀一萬兩秋收糴穀分貯公倉於
夏間米價昂貴之時均勻借領仍照原價於兵餉內馬戰兵分四
箇月守兵分五箇月於七月初一日起按月扣還再行發買嘉慶
八年陞授貴州提督時恐日久廢弛請於 前督憲吳 附摺
奏明將此項銀一萬兩入於本鎮交代案內二十餘年以來循環

接濟眾丁無虞乏食卹兵善政沒世不忘

一本官愛兵如子執法如山考拔弁兵一秉至公平時督率將備
訓練技藝導諭忠義歷八年如一日其有備弁廢弛營伍兵丁違
誤差操立即分別揭參責革不稍寬假掠美示恩至今懷畏勿替
一本官先後出師身經百戰苗疆八載屢著膚功無不身先士卒
親冒鋒鏑每在軍營寢食起居與士卒同甘苦偶有陣傷親加撫
慰立為調治務痊設有陣亡必涕泣送殮躬自奠餼卹其家屬不
令失所嘉慶元年三月勦捕湖北枝江教匪手指帶鎗傷有餽藥
者公不自敷瘡而以之治受傷兵丁曰吾第傷指若傷吾兵是傷
吾臂甯傷吾指毋創吾兵以故士卒用命所向克捷

一本官陞任貴州提督後遵

旨赴松桃廳督辦碉堡查有松桃協牛心堡屬螺螄壩卡至會坡碉均貼邊湖南螺螄壩僅一箭之遙距牛心堡二十餘里且緊接湖南黃寨必得撥歸湖南螺螄壩較便防範 奏奉

俞允撥歸此公厯念舊治不分畛域因地制宜自是邊防悉臻周密以上各條謹就聞知瀝陳大概均係實心實政惠及軍民並無捏冒理合登明

奏請鳳凰廳同知姚興潔陞補辰沅道摺 嘉慶十四年

湖南 巡撫 景 安

奏為苗疆繁要道缺需員恭懇

聖主逾格施恩俯准以苗疆同知陞署以資治理事竊照辰沅道傅鼐

蒙 恩擢授湖南臬司所遺員缺統轄苗疆一切屯防撫輯事宜在在均關

緊要必須精明強幹熟悉苗情撫馭有方之員方克勝任 奴才當

於通省道府中詳加遴選查現任各道及長沙沅州等八府知府

均未經親歷苗疆並無堪以陞調之員即新陞永順府知府福順

一員雖曾任靖州苗疆知州而該處苗務遠不及三廳之繁要前

經暫委護理道篆現在察看人地亦不甚相宜惟有現任鳳凰直隸廳同知姚興潔年五十一歲安徽桐城縣監生捐布政理問職銜乾隆六十年大兵進剿黔楚苗匪具呈投効差委無誤奏畱湖南補用委赴苗疆隨辦善後事宜不辭勞瘁奏准如有相當缺出儘先補用借補湘鄉縣丞嘉慶八年因查辦永綏廳九里癩苗龍六生等案内出力欽奉

上諭姚興潔著加恩以應陞之知州儘先陞補欽此奏陞茶陵州知州十年奏請陞署鳳凰直隸同知先委署理十年五月初八日接事十一年九月二十四日引

見奉

旨姚興潔准其陞署鳳凰直隸廳同知欽此十二年四月初九日回任

該員在苗疆十有五年凡勦撫屯防一切事宜俱隨同傅鼐在廳道任內辦理無不真知底裡且才優守潔撫馭有方素爲兵勇民苗所悅服前於嘉慶十二年因傅鼐進京引

見經

奴才

奏委該員兼護道篆辦理諸事均極裕如於辰沅道一缺洵屬相宜惟因該員係現任同知未敢遽行違例請陞是以先行奏委永順府知府福順暫行護理畱心試看經奏明俟商同傅鼐遴選深信可靠堪以接手之人會商督臣奏補仰蒙

聖鑒在案近於傅鼐遵

旨前赴苗疆查閱復囑其就近體訪茲據稟護道福順經理屯防諸務

尙能循照舊章勤慎查辦但於該處苗地情形究非熟悉終恐撫馭未能盡善惟姚興潔諳練有爲今數月以來幫同護道盡心撫輯民苗益形愛戴實深屬可靠等語並詢知藩司朱紹曾亦稱訪察相符是辰沅道一缺通省現無循資可陞之員而爲缺擇人亦不敢因格於成例稍存遷就致滋貽誤復札商督臣亦固素知姚興潔熟諳苗情可期勝任意見相同合無籲懇

皇上逾格施恩俯准以現任鳳凰直隸廳同知姚興潔陞署辰沅道該員頂戴

殊恩自必倍加感奮而駕輕就熟於屯防邊備實有裨益如蒙俞允仍隨時察看俟二三年後如果始終勤奮經理妥善再行奏請實

授給咨送部引

見奴才爲要缺需員起見謹會同湖廣總督臣汪志伊合詞恭摺具奏並繕具該員參罰清單敬呈

御覽伏乞

皇上睿鑒訓示遵行再所遺鳳凰直隸廳同知員缺亦係苗疆要缺容俟另行遴選委員請補合並陳明謹

奏嘉慶十四年十二月二十四日奉

硃批另有旨欽此又奉

上諭景安奏苗疆道缺需員懇請以苗疆同知陞署一摺據稱湖南辰沅永沅靖道一缺統轄苗疆一切屯防撫綏事宜在在均關緊要該省

知府內無堪以勝任之員惟鳳凰廳同知姚興潔熟悉情形苗民愛戴現在幫辦數月撫綏得宜可否逾格施恩准其陞署等語辰永沅靖道一缺有管轄苗疆經理屯防之責非他處道員可比姚興潔熟悉該處情形而通省知府內又無可陞之員自可逾格擢用惟該員現係同知究屬越級姚興潔著加恩先賞知府銜署理辰永沅靖道事務交該督撫畱心查看如果二三年後始終勤奮經理妥善再行奏請實授欽此

